



ACTA DA SESIÓN ORDINARIA REALIZADA POLA XUNTA DE GOBERNO LOCAL EN DATA 5 DE XANEIRO DE 2024

PRESIDENTE:

PABLO DIEGO MOREDA GIL

MEMBROS:

JOSE ANTONIO RODRIGUEZ ARRIBE

ISMAEL DURAN BEREIJO

MARIA JOSE PERNAS DIAZ

LUCIA PICOS ANEIROS

SECRETARIA ACCIDENTAL:

Mª DEL MAR ANTON BRAGE

Na Casa Consistorial do Concello de Cedeira, ás 13:50 horas do día 5 de xaneiro de 2024, reúnese a Xunta de Goberno Local co obxecto de realizar, en primeira convocatoria, sesión ordinaria baixo a presidencia do Sr. Alcalde-Presidente, e coa asistencia dos Sres./Sras. Concelleiros/as que arriba se relacionan, actuando como Secretaria accidental, dona Mª del Mar Antón Brage, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 113 do Regulamento de organización, funcionamento e réxime xurídico das entidades locais, aprobado por Real Decreto 2568/1986, para a válida realización das sesións da Xunta de Goberno Local, declara aberta esta, pasándose ó estudio e exame dos asuntos incluídos na orde do día da convocatoria.

1. APROBACIÓN, SE PROCEDE, DA ACTA DO 22.12.2023

De conformidade co preceptuado no artigo 91 do R.O.F., a Presidencia pregunta se existe algunha obxección á acta da sesión realizada en data 22.12.2023 e ao non producirse ningunha, a Presidencia somete a votación ordinaria a súa aprobación, da que resulta aprobada por unanimidade dos Sres./Sras. Concelleiros/as.

2. ANULACIÓN DE RECIBO DA TAXA DE RECOLLIDA DO LIXO E LIQUIDACIÓN. EXPEDIENTE: 2023/G006/000235

Visto o informe-proposta, asinado dixitalmente pola Tesoureira municipal con data 03.01.2024, que literalmente di:

“INFORME- PROPOSTA

Asunto: ANULACIÓN DE RECIBO DA TAXA DE RECOLLIDA DO LIXO E LIQUIDACIÓN

Expediente: 2023/G006/000235

Solicitud: 20239000001404 (18/09/2023)

ANTECEDENTES



Primeiro. Expediente 2022EXP35027799 do Servizo de Recadación da Deputación da Coruña sobre o recibo seguinte:

NÚMERO FIXO	REF. CATASTRAL	ENDEREZO	SUXEITO PASIVO
253000723680			PROECO NARON SL

O servizo de Recadación propón a rectificación do suxeito pasivo para os exercizos 2022 e 2023

FUNDAMENTOS DE DEREITO

I. A competencia orixinaria para resolver correspóndelle á Alcaldía- Presidencia, consonte o disposto na Lei 7/1985 de 2 de abril, reguladora das bases de réxime local e o Real decreto legislativo 2/2004 de 5 de marzo, polo que se aproba o texto refundido da Lei reguladora das facendas locais.

É competente para resolver a Xunta de Goberno Local, tendo en conta que a Alcaldía delegou nese órgano as facultades correspondentes, consonte o disposto no Decreto 325/2023, na letra B, núm. 4 e 13, do número terceiro, que dispón a delegación expresa na Xunta de Goberno Local da aprobación de padróns fiscais de impostos, taxas e prezos públicos e da resolución de recursos que se interpoñan contra os acordos en materias delegadas que se teñen detalladas nos apartados anteriores.

II. Son aplicables a Lei 58/2003 de 17 de decembro, xeral tributaria e a vixente Ordenanza fiscal 2.11 do Concello de Cedeira reguladora da taxa por recollida de residuos sólidos urbanos. Publicada na súa versión definitiva no Boletín Oficial da Provincia da Coruña número 246 de data 28 de decembro de 2011. Na súa nova redacción aplicable dende o 05.06.2021

II.A. O artigo 2 da norma municipal define o feito imponible da taxa, que consiste na prestación do servizo, de recepción obrigatoria, de recollida, transporte e tratamento de residuos domésticos e comerciais, en vivendas ou locais onde se exerzan actividades comerciais, industriais, profesionais, de servizos ou calquera outra actividade, de acordo coas definicións recollidas na lei 22/2011, de 28 de xullo, de residuos e solos contaminados.

II.B. Polo que se refire á data da devindicación, segundo dispón o artigo 6.2: “Establecido e en funcionamento o referido servizo, as cotas devindicaranse o primeiro día de cada ano natural, salvo que a alta ou baixa do servizo se producise con posterioridade á devandita data, en cuxo caso se prorrateará por trimestres naturais. Non producira o prorrateo nos cambios de titularidade, unha vez transcorrida a devindicación”.

II.C. De conformidade co artigo 3.3 do RDL 1/2004, 5 de marzo, polo que se aproba o texto refundido da Lei do Catastro Inmobiliario, salvo proba en contrario e sen prexuízo do Rexistro da Propiedade, cuxos pronunciamentos xurídicos prevalecerán, os datos contidos no Catastro Inmobiliario presúmense certos.

Os datos de titularidade do ben inmovible a 1 de xaneiro de 2022 e 2023 segundo o Catastro son os seguintes:

REF. CATASTRAL	ENDEREZO	TITULAR	NIF	DERECHO
				PROP. (100,00%)

Os datos que constan no Sistema Integrado de Xestión Tributaria da Deputación da Coruña para os exercizos 2022 e 2023 non coinciden cos anteriores, figurando como suxeito pasivo e contribuínte o solicitante.

I. Anulación

A vista do exposto no punto anterior, procede a anulación dos recibos correspondentes aos exercizos 2022 e 2023 por non ser correcto o suxeito pasivo. Os datos do recibo a anular son:



Nº FIXO	ID. VALOR	ENDEREZO TRIBUTARIO	SUXEITO PASIVO	EXERCICIO	COTA (€)
253000723680	20223515022RL01R004670		PROECO NARON SL	2022	62.40
253000723680	20233515022RL01R000399		PROECO NARON SL	2023	65.00

Por todo o exposto, PROPOÑO á Xunta de Goberno Local a adopción dos seguintes ACORDOS:

PRIMEIRO. Anular o seguinte recibo, por non ser correcto o suxeito pasivo:

Nº FIXO	ID. VALOR	ENDEREZO TRIBUTARIO	SUXEITO PASIVO	EXERCICIO	COTA (€)
253000723680	20223515022RL01R004670		PROECO NARON SL	2022	62.40
253000723680	20233515022RL01R000399		PROECO NARON SL	2023	65.00

SEGUNDO. APROBAR a seguinte liquidación:

Nº FIXO	ENDEREZO TRIBUTARIO	SUXEITO PASIVO	EXERCICIO	COTA (€)
253000723680			2022	62.40
253000723680			2023	65.00

TERCEIRO. Comunicar estes acordos á Excm. Deputación Provincial da Coruña para o seu coñecemento e a tramitación oportunos.

CUARTO. Notificar o presente acordo aos interesados.”

A Xunta de Goberno Local, por unanimidade dos seus membros presentes, acorda aprobar o informe-proposta nos termos nos que quedou transcrito.

3. ANULACIÓN DE RECIBO DA TAXA POR INSTALACIÓN DE MESAS E CADEIRAS. EXPEDIENTE: 2023/G006/000275

Visto o informe-proposta, asinado dixitalmente pola Tesoureira municipal con data 02.01.2024, que literalmente di:

“INFORME- PROPOSTA

Asunto: ANULACIÓN DE RECIBO DA TAXA POR INSTALACIÓN DE MESAS E CADEIRAS

Expediente: 2023/G006/000275

Solicitud: 20230000004518 (18/10/2023)

ANTECEDENTES

Primeiro. D. _____ solicita a baixa do recibo cos datos que se indican a seguir alegando non explotar a actividade hostaleira dende o 14 de febreiro de 2022.

NÚMERO FIXO	ID VALOR	ENDEREZO TRIBUTARIO	SUXEITO PASIVO
543000756523	20233515022ME01R000042		

Segundo. Consta no expediente escritos de comunicación de baixa no réxime de autónomos da Seguridade Social e do modelo 037 da AEAT. Ambos con data 14 de febreiro de 2022.



FUNDAMENTOS DE DEREITO

I. A competencia orixinaria para resolver correspóndelle á Alcaldía- Presidencia, consonte o disposto na Lei 7/1985 de 2 de abril, reguladora das bases de réxime local e o Real decreto legislativo 2/2004 de 5 de marzo, polo que se aproba o texto refundido da Lei reguladora das facendas locais.

É competente para resolver a Xunta de Goberno Local, tendo en conta que a Alcaldía delegou nese órgano as facultades correspondentes, consonte o disposto no Decreto 325/2023, na letra B, núm. 4 e 13, do número terceiro, que dispón a delegación expresa na Xunta de Goberno Local da aprobación de padróns fiscais de impostos, taxas e prezos públicos e da resolución de recursos que se interpoñan contra os acordos en materias delegadas que se teñen detalladas nos apartados anteriores.

II. Son aplicables a Lei 58/2003 de 17 de decembro, xeral tributaria e a vixente Ordenanza fiscal Nº 3.3, Reguladora da Taxa por Ocupación de terreos de Uso Público con Mesas e Cadeiras e outros elementos análogos con finalidade lucrativa. Publicada na súa versión definitiva no Boletín Oficial da Provincia da Coruña número 246 de data 27 de decembro de 2013.

II.A. O artigo 8.4 establece que a presentación da baixa producirá efectos a partir do periodo seguinte.

III. Os documentos presentados poñen de manifesto a baixa do suxeito pasivo, mais os efectos tributarios son diferidos pola Ordenanza no artigo 8.4 a partires do periodo seguinte á presentación. Neste caso a solicitude na que se contén a documentación é de outubro de 2023, polo que o periodo seguinte resulta ser o que comeza o 1 de xuño de 2024.

Por tanto, procede a baixa do solicitante no Padrón da taxa por instalación de mesas e cadeiras a partir do exercizo 2024.

PROPOÑO á Xunta de Goberno Local a adopción dos seguintes ACORDOS:

PRIMEIRO. APROBAR A BAIXA no Padrón da taxa por instalación de mesas e cadeiras do para o 2024 do seguinte suxeito pasivo:

Nº FIXO	CONCEPTO	ENDEREZO TRIBUTARIO	SUXEITO PASIVO	EXERCICIO
543000756523	TAXA INSTALACIÓN MESAS E CADEIRAS			2024

SEGUNDO. NOTIFICAR o presente acordo a Deputación da Coruña e ao interesado.”

A Xunta de Goberno Local, por unanimidade dos seus membros presentes, acorda aprobar o informe-proposta nos termos nos que quedou transcrito.

Á vista do acordado, pola Presidencia proponse que se realicen as actuacións necesarias para, de se-lo caso, dar de alta ao suxeito pasivo que corresponda. A Xunta de Goberno Local, por unanimidade dos seus membros presentes, acorda aprobar esta proposta da Alcaldía.

4. ASUNTOS VARIOS

Non hai.

E non habendo máis asuntos que tratar, pola Presidencia levántase a sesión ás 13:55 horas do expresado día, estendéndose a presente acta do que eu, como Secretaria accidental, dou fe.



O PRESIDENTE
PABLO DIEGO MOREDA GIL

A SECRETARIA ACCTAL
Mª DEL MAR ANTON BRAGE